

E-8

813.

ΓΕΟΓΡΑΦΙΚΗ ΣΕΡΙΑ

Δ. ΙΧΘΥ

Ι ΝΔΙΑ ΑΦΚΑ ΣΟ ΖΙΓΟΝ ΤΙ ΚΑΠΙΤΑΛΙ

Μετάφρασι: Σ. ΜΥΡΑΤΟΒ



ΕΚΔΟΤΙΚΟΝ „ΚΟΜΥΝΙΣΤΙΣ“
ΡΟΣΤΟΒ — ΔΟΝ 1932


E-8
813

ΓΕΟΓΡΑΦΙΚΟΝ ΣΕΡΙΑ

Δ Ι Χ Ο Κ

Ι ΙΝΔΙΑ ΑΦΚΑ ΣΟ ΖΙΓΟΝ ΤΙ ΚΑΠΙΤΑΛΙ

Μετάφρασι: Σ. Κ. ΜΥΡΑΤΟΒ



ΕΚΔΟΣΙ ΤΙ „ΚΟΜΥΝΙΣΤΙ“
ΡΟΣΤΟΒ-ΔΟΝ 1932

Д. ИХОН

ИНДИЯ ПОД ГНЕТОМ КАПИТАЛА

Перевод: С. Муратова

Ответ. редак. КАЧАЛОВ

Изд. „Коммунистис“

Тех. редактор Ф. ГРИГОРИАДИ	Сд. в неб. 29 I 1937г. Сд. в пач. 2 II 1932г.
--------------------------------	--

Упол. Крайлит № 4613 Ст. Фор. Б6. 125x176 Заказ № 65 Тираж 4000
Типография Греч. издательства „Коммунистис“

Ι ΙΝΔΙΑ ΕΝ ΤΑΝΚΛΙΚΟΝ Ι ΚΑΛΟΝΙΑ

Ι Ινδία εδρίετε σιν Ασίαν, σιν χερσόνησον ντο λέγνε Ινδο-
σταν. Ασα τρία τα μεροδεσάθε ατο ι χερσόνησος περιβρέχετε ασον
Ινδικον οκεανον. Ασα γιτονικα τα κράτι χορίσσετε με αδιαπέρα-
σα ρασσία. Μόνον ασο διτικον το σινορ απόπυ σινορεβ με το Αφ-
χανισταν τα ρασσία ίνε χαμελα κε γολάγια περάσκυνταν. Αποπισ
σο Αφχανισταν εδρίετε το Σοβετικον ι Ενοσι. Ι έχτασι τι Ινδίας
εν 18-20 φoρας κιάλο τρανον ασιν έχτασιν τ'Ανκλίας. Σιν Ινδί-
αν ζυν παραπαν ασα 350 εκατομίρια ανθρωπ—οχτο φoρας παρα-
παν ασον πλιθίζμον τ'Ανκλίας.

Ι Ινδία εν πλύσιον απο μιατιάνια σιδερι, απο πετροκάρβο-
νον, νιαφτ, μανκανέζαν, χάλκομαν, μάλαμαν κε ασιμ.

Ασυ εν το κλίμαναθε θερμον κε τριφερον σιν Ινδιαν τερια-
τέβνε πριντς, κοκιν, πυμπακ, τζάι, τζζυτ¹).

Σιν Ινδιαν τεριατέβνε αίκα φιτα τα οπία ίνε ανέδρατα σάλα-
τα τοπς κε έχνε τρανον ακσίαν οπος λυλακ (ιντικο) ασα οπίονεφτά-
γνε πογιαδες κε τα παχαρικα (γαρίφαλα, πιπερ κ.ά.)

Σόλια τα αγορας (ρίνκι) τ'Εβρόπισ εκατομίρια τόνια πράματα
τ'Ινδίας προπάντον πρότα ιλικα ασόπια εφτάγνε τα βιομηχανικα
εμπορέματα (προμταβάρι) κε διάφορα φαγιστικα.

Ανκε σιν Ινδιαν ιν αίκα πλούτια, ι εργατ κε ι χορετ πινυν,
κε τ'απόθαμαν αντι να ολιγοστεβ περισεβ.

Γιατί ι εργαζομεν τ'Ινδίας σίρνε ατόσα περισσανλύκια;

Για το εν ι Ινδία απικία (κολόνια) ν'Ανκλίας, για το εν
αγίκον μερλεκετ το οπίον εξαπλάεψανατο ι άνκλι ι καπιταλιστ

1 Εναν ιδος καναβι-ασο οπίον εφτάγνε σσκινία κε σιάρτικα κομάτια για
λόματα

που φεράρχα εκμεταλέφκυνταν το εργαζόμενο τον πλιθισμόν και κυβερνούνε την Ινδιαν με τη δύναμιν της θείας.

Πως εγένιον ατο, ντο η ανηλ δατάχκυνταν την Ινδιαν άμουν ντο θέλνε;

Εχαν 300 χρόνια πριν η εμπορ τ'Ανγκλίας ερχίνεσαν νάρα-έβνε νέα αγοράς. Η Ανγκλία έτον πλύσιον εμπορικον μεμλεκετ κι εμπορ εχρέσκυαν αγοράς για να εκσοδεώνε τα εμπορεματατον.


Η Ινδία ατότε υζζε εδοκσάσκυτον πως εν έναν ασα πλύσια τα αγροτο-νικοχιριακα τα μεμλεκέτια. Το πάσιμον εκι ασιν κσιραν έτον τσσαντιν και με τη θάλασαν εχρέσκυαν καλα καράβια.

Η εμπορ τ'Ανγκλίας που έρθαν ατο ίδαν πως ατο το μεμλεκετ εν πολλα πλύσιον και ιμπορι να δι πολλα ακριβα εμπορεματα.

Ατιν εσένκαν όλια τα δινάμισατον να ζαπλαέδνε τ'εμπόριον. Ατότες την Ινδιαν εκιβέρναναν κσεχοριστι κνιαζ. Με τα πονιριασατον, με τα κομπόματα και με το αγοραζμαν τη κνιαζιδιον η ανηλι η εμπορ γαλια γάλια επεραν σα εσεριασιν όλεν τ'εμπόριον τη Ινδίας και εξαπλάεψαν κάμποςον μέρος τη μεμλεκετι. Τ' ανηλικον η κυβερνισι με τη δύναμιν τη συλαχι εδοίδανεν τ'εμπόρτσας, εστίλνεν σιν Ινδιαν στρατον. Τ'ανηλικον η κυβερνισι μεσον τη εμπορτσας εφτιλιάεβαν τη κνιαζ τη διαφόρον λαον τη Ινδίας και επινενατς να πολεμυν τεναν τάλο. Η ανηλ εδίναν λόγον να βοιθουν τον ιναν γιάχοτ τον άλλον τον κνιαζον, επίναν με τάτυνους συμφονιας, με τα οπια εξαπλάεβαν τα χόματα και επέρναν σα εσεριασιν το εμπόριον απες σο μεμλεκετ. Εκι όπου κ'εβοίδαναν τα εξαγοράζματα τη κνιαζιδιον και το φτιλιάεμαν να σκόνε αναμετακσιατον πολεμον το ανηλικον η κυβερνισι με την δύναμιν τη συλαχι επέρνεν εκίνα τα μέρια και τα κνιαζεστθας ντ'εθελιεν και εβάλνεν εκι παριάτχας ντο εσιφέρνανατεν.

Τα 1858 η Ανγκλία αλάι-μαλάι εξαπλάεψε την Ινδιαν και ος ατόρα σπιχτα κρατιατεν σα εσεριατς.

Με το ζαπλαέμαν τη Ινδίας η ανηλ η καπιταλιστ εκλύθαναν βέβεα τ'εκινέτερα τα τακσικα σιφέροντα. Η ανηλ η καπιταλιστ ίχαν



Ι Αγγλία (Μεγάλη Βρετανία) κε τα χολονιάσθεσ'όλια τα μέρια τι κοζμι.

ιντερέσον για να πέρνε εφτενον πρότον ίλικον (σιριο) κε ακριβα να πολυν τα προιόντατυν.

Γιατο το ανκλικον ι κιβέρνισι κ'ερίνεν να προοδεβ το Ινδικον τιν βιομιχανίαν ντο επεκσεργάσκετε μιχανας, κινιτίρας, στανόκια.

Ι ανκλ ι εμπορ κε βιομίχανι επέρναν όλια τα μέτρα να αγοραζ ι Ινδία απάτυνυς με ακριβον τιμιν τα βιομιχανικα εμπορέματα. Κιατο θα γίνετε μόνον ατότες ονταν ι Ινδία κι θα εσσ τάτινες βιομιχανίαν.

Ασο αγροτικον νικοχιρίον τ'Ινδίας ι ανκλ ι καπιταλιστ πέρνε εφτενον πρότον ίλικον για τιν παραγογίνατυν κε φαγιστικα σα οπία σιν Ανκλίαν εν λιφταςέα. Ανεκσάρτιτα ασιν εσοδιαν ασιν Ινδιαν κάθαν χρόνον κυβαλίουνταν εκατοντάδες χιλιάδες τόνια πριντσι κε κοχι. Ατο εφτάι κιάλο εσιρ το θαριν τιν κατάστασιν τ'εργατίον κε χορετίον τι Ινδίας κε εφτάγιατς κιάλο πολα να πινυν. Το χαίνκον τιν εκμετάλεψιν τ'εργαζομενίον τ'Ινδίας ι ανκλ ι καπιταλιστ τρανίνατο με τα διάφορα ναλόγια πυ κ'έχνε εκιν τα δίναμис να πλερόνατα.

Ατα τα ναλόγια πάγνε σα έκσοδα τι πολιτίσιας κε τι στρατυ κε πλυτένε τάνκλυς καπιταλίστας κε τι ινδους τι πομέσσικους κε εμπορτς, ι οπί εντάμαν εκμεταλέβνε τ'εργαζομεντς τ'Ινδίας.

Τα σιδιρόδρομυς, το θαλασινον το τράνπορτ εδρίουνταν σα εσέρια τάνκλον. Προπά τον πολα κε καλα σιδερόδρομυς κε εσοσε έχτισεν ι Ανκλία σα σινόρια τ'Αφχανιστανι. Ατα τα δρόμια έχνε τρανον σιμασέαγ για τι Ανκλίαν σο προετίμαζμαν τι πολέμυ με το ΣΣΣΔ.

Ατόρα ι Ανκλία όπος κε όλια τάλα τα καπιταλιστικα τα κράτι, σιρ βαριν ικονομικον κρίσιν.

Σο τρέκσιμον αποπισ σα κέρδι ι καπιταλιστ όλεν τι κοζμι προσπαθύνε να παράγυν όσον το περισον πολα εμπορέματα. Ατιν κοπιάζνε να πολύνατα με ακριβα τιμάντας. Σα τελεφτέα τα χρόνια εγένταν τζιπ πολα εμπορέματα.

Τα σκλάτια κε τα μαγαζία τσεοκέβνε ασα εμπορέματα. Αμαν ι εργατ κε ι χορετ σα καπιταλιστικα τα μεμλεκέτια κεπορυν νάγοράζνε ατα τα εμπορέματα. Ι εργαζομεν έρθαν σο ζορ να λιφτάζνε κεκί- να πυ ιν τζιπ λαζύμια ει ζοίνατον γιατι όλεν τον κερυν λιφτά- ζνε κε λιφτάζνε τα μεροκάματατον.

Ι καπιταλιστ για να φιλάτνε τα κέρδιατον αρχινυν να λιφτά- ζνε τιν παραγογιν ακόμαν κιάλο πολλα κατιβάζνε τα μεροκάματα τ'εργατίον, βάλνε σ'όλια κες το καπ.ταλιστικον τιν σιστιματοπίσιν (ρατσιοναλιζάτσια), ασόπιον κιάλο πολλα περισεβ ι αεργία. Ατόρα σα καπιταλιστικα τα κράτι ιν παραπαν απο 50 εκατομίρια άσργι. Ι γιρεβοσίγια κε ι πίνα οσον το πάι περισεβ ανάμεσα ει εργα- ζόμενους.

Ι κρίσι εντόκεν κε σο αγροτικον το νικοκίριον. Τα τιμάντας σ'αγροτικα τα προτύκτια πολλα εντόκαν κα. Ι χορετ έρθαν σο ζορ να πυλυν τα πράματατον κιάλο εφτενα. Κε τα ναλόγια καθόλυ κε λιφτάζνε. Ι αεργία ανάμεσα ει εργατς τι αγροτικυ νικοκίριω τρα- νιν. Ι κατάστασι τι χορετίον σ'όλια τα καπιταλιστικα μεμλεκέτια χειροτερεβ. Αίχον χαλαζμονι τι κατάστασις κε κσέπεζμαν τι ικονο- μικυ τι ζοις τι μεμλεκετι λέγνατο κρίσιν.

Ι καπιταλιστ για να φιλάτνε τα κέρδιατον αλατόζον κιάλο σπίνκνε τεργατικον τιν τάκσιν κε τι εργαζομεντς. Ι καπιταλιστ εφτάγνε επίθεσιν ενάντια σεργατικον τιν τάκσιν τι μεμλεκετίονατον κε δυναμόνε το εκμετάλεβμαν σα καλόνιασατον. Αραέτ; πα εφταν ι ανκλ ι καπιταλιστ. Ι Ινδία εν ασόλεν το πλύσιον ι καλόνια τΑνκλίας.

Ι ανκλ ι καπιταλιστ ασόλεν περισον καταπιέζνε τα έθνι τΙνδίας, εφτάνε ινιατ κε ματομέμον αγόναν ενάντια σο επαναστατικο απελεφθε- ροτικον το κίνιμαν τεργαζομενίον.

ΠΟΣ ΝΙΚΟΚΙΡΕΦΚΥΝΤΑΝ ΣΙΝ ΙΝΔΙΑΝ Ι ΙΜΠΕΡΙΑΔΙΣΤ

Ι Ινδία εν μιραγμένον σε 15 προδίντσιας. Σα κήθα ένα ι προδίντσιαν στεκ άνκλος κιθερνίτις (γυπερνάτορας.)

Επι κεφαλής όλων της Ινδίας στεκ ο αντιβασιλέας τίναν διορίζ το ανκλικον ι κυβέρνισι. Ο αντιβασιλέας κυμανταρίζ όλια τα ινδικα στρατέματα κε ες το δικέομαν να εδγαλ κε να αλαζ ίνταν νομος θελ.

Σιν Ινδία εν κυβέρνισι κε τα μέλιαθε διορίσκυνταν κε αντι-καταστύνταν με αλτς ασον αντιβασιλέαν. Το ανκλικον ι κυβέρνισι κρατисιν Ινδία πολα στρατον. Το παραπαν ασατο το στρατον εν απο ινδυσ. Ι κυμανταρ αμαν τατινεθι ιν ολ ανκλ ακσιωματικι. Ι κατάστασι τι στρατιότε τι ινδου ιν κιάλο ες ιρ ασιν κατάστασιν τάνκλονος στρατιότι. Για τον ανκλον στρατιότιν εκσοδέφκυνταν 4 φορές παραπαν παραν παρα για τον ινδον στρατιότιν.

Για το τέρεμαν της στρατου το ανκλικον ι κυβέρνισι σπινκ κεδγαλ ασο μεμλεκετ πολα τρανα ποσα. Σα 1929-30 για το στρατον εκσοδέφταν 410 εκατομύρια ρύβλια. Σιν ιγιονομία πα εκσοδέφταν μόνον 47 εκατομύρια ρύβλια.


Ατα τα παράδες πα πάγ.ε για τάνκλους. Το ινδικον το εργαζόμενον ι μάζα κεπορι κσαι να περ το χριαζόμενον ιατρικον βοίθειαν. Σα χορία σχεδον κσαι γατρι κίνε κε γιατρέβνε τι χ ρετς μόνον ανιχτάδες (ζνάχαρι).

Για το λαικον τιν μόρφωσιν ι κυβέρνισι κσαι τιδεν κι δι.

Σιν Ινδία το περισσότερο ο πλιθίζμον εν αγράματον. Μόνον 10% ασι αγυρτς κε 2% ασι γινεκς ιν γραματιζμεν. Τα πεδιά τεργατίον κε χορετον κεπορυν κσαι πα να μαθάνε.

Ι Ανκλία με τα νικοκιρέματα εκατέδασεν τιν Ινδία σε φοβερον γιρεβοσίγιαν. Σα τελεφετιά τα 25 χρόνια σιν Ινδία επέθαν ασο λιμον 80 εκατομύρια ανθρωπ. Ατο ο αριθμος εν παρμένον ασα επίσιμα δεδόμενα τανκλικυ κυβέρνισις πυ κεσσ σίμφερον να μεγαλιν τον αριθμον τι θανατι.

Σιν Ινδία όπως κε σεμέτερον των Σίνδεζμον ζυν διάφορα έθνη, πυ καλατςέβνε σε διάφορα γλώσσας. Ατυ ιν 12 τιαμιαλία γλώσσας κε κάμποσα δεκάδες διάλεχτι. Σι θρισκίαν το παραπαν ο πλιθίζμον ίνε ινδυστε πυ ιν παραπαν ασα 220 εκατομύρια μυαμεθαν ιν 70 εκατομύρια.



Εκσετίας πυ ο πλιθίζμον εν οπιστοδρομιμένον κε αγράματον, το ανηλικον ι κιθέρνισι ακόμαν καταφερ να εχον ατυ δινατον εθνικον έχθραν (τυσεμανλυκ).

Σιν Ινδίαν ακόμαν εβρίυντον κάστας, πυ εφιλάγαν υς ατόρα ασα παλεα τα κερυς. Κάστα λέγνε απομονομένον γρύπαν αν- θροπίον πυ έχνε γενικα ειφέροντα κε γενικον ίδιον καταγογιν.

Τα κιριότερα ασατα τα κάστας ίνε τέσερα: ι πραμίνι διλ. ι ιεροτελεστε, κσεάτρι ι στρατιοτικι, ι βοίςκ διλ. ι ρεντζιπερ κε ι σύτρι ι τεχνιτ.

Το μέλος ινός κάστας κεσσ το δικέομαν να περαν εάλο· κεσσ δικέομαν να παντρεθ με μέλος αεάλο κάσταν. Εαν μέλος τι κάσ- τας χαλαν τα ατιάτια ατότες διέχνατον κε γίνετε πάριος ο οπίος λογαράεσσετε αεόλεν ο καταφρινεμένον άνθρωπον τι Ινδίας.

Αγικ πάρι σιν Ινδίαν ιν ος 60 εκατομίρια.

Ι ιεροτελεστε ασα διάφορα θρισκίας, οπος ι ανηλ κε ι ινδι ι καπιταλιστ ενδιαφέρκυνταν να φιλάτνε όλια τα διειδεμονίας, τα παλεα τατιάτιτ. Ατότες ι καπιταλιστ, ι πομέςσιχι κε ι τοκογλιφ κιάλο γολάγια θα επόρναν να εκμεταλέφκυνταν το εργαζόμενον τι μάζαν τι Ινδίας οντες θα εν εκοτινον κε ανεγρίκιστον. Ι ι ποδι- έρεσι εα κάστας ολίγον· απολίγον βζίετε κε πάι. Ο ογόνας εναίτιον ~~10⁰/0~~ ^{10⁰/0} εζιον κε σιν εκμετάλεψιν τι ανηλικυ εκσεσίας κε τι ινδον πο- κε καπιταλιστιον οσον το πάι κιάλο περισον ενον τι ερ- γαζόμενος τι Ινδίας, ανεκεάρτιτα τιν θρισκίαν, τιν κάσταν κε το εθνοεατον.

Ι ανηλ ι ιμπεριαλιστ κε ι καπιταλιστ τι Ινδίας οφελίυνταν όλια τα εθνικα, θριεκεφτικα κε τα κάστοθιε διαφορας τεργατίον κε χορετίον για να έχνατς χόρια χόρια κε επορυν κε πικέβνατς. Τα κιβερνιτικα τόργανα τΑνηκίας τακσιλεέβνε τον έναν σον άλλον απαν τι ινδου κε μοαμεθανου, διοργανόνε πογρόμια κε με τατο να κρύγνε οπισ τον αγόναν με τι καθεαφτυ καταπιεεστάεατον.

Αετς πα έτον σιν τσαρικιν Ρυείαν. Όταν ι εβρεί, ι πολιακ, ι ρυεαντ κε ι ταταρ κε ολ ι εργατ εεκόθαν εναντίον σον τεάρον,

ατότες το τσαρικον ι πολίτσια οργάνονεν τα εβρέικα τα παγρόμια κε το αρμενικο τατάρικον το σπάκσιμον.

Κάθαν ιμέραν κιάλω σιχνα ζον κερν τι απεργίον (ζαπαστόφκα) ζον αγόναν εναντίον σι εκμεταλφετας ι εργατ ασα διάφορα έθνι κε θρισκίας σκούνταν εντάμαν. Ι χορετ ι μοαμεθανι κε ι ινδι εντάμαν αγωνίσκουνταν ενάντια σι πομέσσικους τεργαζόμενιον σιν Ινδίαν.

Ι ανεσσετία κε ι γιρεδοσίγια εν ατόζον τρανον πυ ι ανκλ ι καπιταλιστ με κανέναν τρόπον κέπορυν να φυρχίζνε τιν αλιλενκίιν (σολιτάρνοστ) κε επαναστατικότηταν τεργαζόμενιον πυ μεγαλόνε κε δυναμόνε.

Για να εγρικόμε ατο εφταν θα τερόμε προς ζον ι εργατ κε ι χορετ τι Ινδίας.

ΠΟΣ ΚΑΤΑΠΙΕΖΝΕ ΤΙ ΧΟΡΕΤΑΣ.

Ι κιριαρχία τ'ανκλον σιν Ινδίαν εκατίβασεν τι χορέτας σε τζυλτυρεματι ανεσσετίαν.

Ι Ινδία εν μεμλεκετ αγροτικο-νικοχιριακον. Τα $\frac{2}{3}$ τι πλιθιζ-μυ ιν ι χορετ.

Σο ινδικον το χορίαν ακόμαν επικρατον ι δουλοπαρικία, κε ι σκλαβία τα οπία υποστηρίζιατα το ανκλικον ι εκσυρία. Ασο ιμψον κε παραπαν όλεν τι χοματι, έχνατο σα εσέριατον το ανκλικον ι κ'βέρνισι, ι κνιαζ, ι πομέσσικι κε ι κύλακ.

Σα περισότερα ραγιόγια τ'ανκλικι τα νομς επ'καν τι χορέτας απο ιδιοχτίτας τι χοματι τα γίνταν αρεντάτορι.

Ι ανκλ εδόκαν αγίκα δικεόματα σι ινδους τι πομέσσικους χορις δίκιν (κυτ) να εφτάγνε κτηνφισκάτσιαν τα χόματα τι χορετίον, αν εχιν κι πλιρόνε τιν αρέντιαν, κε να καθίζνατε σα φιλακας.

Ο χορέτε: πυθεν κε σα κανέναν πα κεπορι να παραπ νίετε για τα θελματοπλέροτα τα δουλίας τι πομέσσικν.

Τα ισοδύματα ασο μικρον το χοματ τι χοματι ίνε παρα πολα μικρα κε κεπορι σιν όραν να πλερον τον αρέντον. Θέλοντας κε μι θέλοντας ατος πάι ζον τοχογλίφτεν σα παράδες. Αγικ τοχογλιφτιν

πομέσσιχ γιάχοτ ι κυλακ. Ι τοκογλιφία σιν Ινδίαν εν φόρμαν τι σκλαβίας.

Ο χρεμένον ο χορέτες εν ιπόχρεος να εφάι όλια τα δουλίας τι τοκογλίφτα σε μιζέρικον πλιρομιν.

Ο χορέτες κεςς το δικέομαν να φεβ ασο χορίον χορις τιν άδιαν τι τοκογλίφτα. Αν ο τοκογλίφτες πυλι τα χόματατ άλον, ατότες ι χορετ πα περάνε σο νέον τον σααπιν.

Ι χορετ πυ ιν εκσρτιμέν αλαι-μαλάι ασον τοκογλίφτεν ιν ανανκαζμεν να πολύνατον ολεν τιν προτύκσιανατον, με τα τιμάντας ντο βαλ ο ίδιον ο τοκογλίφτες, γιατι ι χορετ κέχνε τεκινέτερα ζαπά-ςσια σα προτύκτια γιάχοτ χρίματα. Ολεν το κέρδος ασο πύλιμαν εμπεν σιν τζιοπαν τι τοκογλίφτα. Με το δάνιζμαν τι χριματι ο τοκογλίφτες εγδερ κε περ τρανα τόκυ: (προτσέντια).

Αν ο χορέτες κεπори να πλερον τα τόκυς (προτσέντα) τι δά-νιυατ ατότε ο τοκογλίφτες αγοραζ πατιχαβαν τα χόματατ κε τα προτύκτιατ. Ολ ι χορετ εδελιάαν σα χρέατα. Αναβα ασα βασικα τα φόρυς (ναλόγια) ασα χόματα ο πομέσσιχον αμον ντο κατιβέ-νιατον σερβ χοριστα ναλόγια για το ότι παντρεβ τιν θέγατέραναι για το γιόνατ, για αν κάποιος αποθαν ας ανθριπςάτ, αν ο χορέτες, παντρεβίτε γενίε ε μορον, κιατα άκρας κέχνε. Ο χορέτες ακόμαν εν ιποχρεομένος κάμποσα ιμέρας τιν εβδομάδαν να δουλεβ σα δουλίας τι πομέσσιχ. Για ταμιάκιατ ο χορέτες τιδεν κι περ.

Αχα ανιχτονι παράδιγμαν εκσανανκαστικυ δουλίας.

Ι ινδι ι παμέσσιχ κρατυν έναν σιριν άγεντυς τι πολιτίας οπί χρέσκυνταναι να τσιμιζνε κε πέρνε αγίκα ναλόγια ντο ι χο-ρετ κέχνε δύναμις να πλερόνατα.

Ολεν το βάρος ασα έκσοδα για το τέρεμαν τι στρατυ κε τι πολιτίας ρυζ απαν ει χορέτας. Το χόμαν τι Ινδίας εν πολα θερ-κιλιν κε το κλίμανεθε εν ζεστον. Σα κάπια ραγιόνια τοπλαέδνε διο κε τρία εσοδίας το χρόνον. Αλα το διπλον ι εκμετάλεψι ασι άνκλως κε τι ινδις τι καπιταλιστας κιαφιν να προοδεβ κε να καλιτε-ρεβ το νικοκίριον τι χορέτα. Ι εσοδιά κρύι κα. Το εχταρ τι χομα-τι δι σιν Ινδίαν τρία φορας ολιγότερον εσοδίαν παρα σιν Ανκλίαν

κε σιν Γιαπονίαν. Τα τρόπος τι καλιέργιας ίνε παμπάλεα! όπος κε εκατον χρόνια εμπροστα ι χορετ καλιεργόνα τα χόματατον με κσιλένια τυρμούχα κε κοτάνισ. Για να μεταγερίσκονταν ι χορετ μιχανας κεπορόνε γιατι τα νικοκιρίατον ίνε πολα κε ταυτεμένα. Το περισον ο πλιθιζμος ες μονάχον 2 εγτάρια χοματι.

Πολα φορας ατα τα μικρα τα υτζάτκας τι χοματι ίνε μιρι-αζμένα σε 100 — 200 λορία. Τα αγροτικο - νικοκιρία μιχανας κε τα τεχνικα τα ενιάζματα επορυν να κυλανέβνατα μόνον ι παμέσσιχι κε ι κυλακ επιδι ατιν μονάχον επορυν να αγοράζνατα.

Αχόμαν κε να ενιαζ το χοράφνατ ο χορέτες με κόπρον κε-πορι. Το κόπρον ο χορέτας φιλάτιατο για να κέγιατο. Ορμάνιασιν Ινδίαν ίνε πολα αλα ίνε όλια τι κιβέρνιςις. Κε ι χορετ κεπορόνε να αγοράζνατα, τςίνκι κέγνε το μινκιν.

Ιλιαμ — ίλιαμ τςατιν εν ι ζοι τι πατραχίον, πυ ιν σιν Ιν-δίαν ος 37 εκατομίρια. Κατα μέσον όρον το ιςόδιμαν τι πατραχυ ισοδιναμι με 10 ρύπια το χρόνον διλ. 7. ρύβλια 70 καπίκια.

Ι πατρακ φογόνταν γιαμ θα χάνε κιατο το μιζερικον τιν πλερομιν. Δυλίαν ατιν έγνε μόνον κάμποςα μίνας τον χρόνον κε τ'αλο τον κερων λάσσκυνταν αδα κι ακι για να εβρίκνε δυλίαν. Ο φόβος τι πίνας εφτάγιας να γίνταν δυλ πυ στόμαν έχνε κε λαλίαν κ'έχνε.

Ολ ι χορετ τι Ινδίας κιλίζνε τα ιμέραςατον μάβρα κιάχαρ-ασιν πίναν κε τιν ανεσσετίαν. Κάθαν χρόνον σα χορία αποθάνε-ασα μαράζια κε τάρόστιας 5-6 εκατομίρια.

Μόνον τιμπσα ασα χάτχλα ντο γενίυταν ζόνε ος τιν ιλικίαν πυ αργινυν να δουλέβνε.

Τα τακσικα τα αντίφασια σο ινδικον το χορίον όσον ντο πάνε κε μεγαλόνε.

Ασέναν το μέρος, εκχτοντάδας εκατομίρια χορετίον με μιζε-ρικα κε εφτοχα υτζάτκας κι ασάλο το μέρος ι πομέσσιχι κε ι κυλακ ι οπί ζαπλαέβνε παραπαν ασιμπσον τ'Ινδίας.

Όσον ντο πάι ι χορετ χάνε τα χόματατον κε ρύζνε σο εόνιον τιν σκλαβίαν σα σσέρια τι τοκογλιφτίον. Ολεν περισέβνε τα ναλόγια

κε τα φορολογίας τι παπαδίον κε τι άνκλον τζινόδνικιον. Όσον
ντο πάι δι ολιγότερον ισόδιμαν το γιαβανομένον το χόμαν πο κα-
λα κι χαματισκάτε.

Ο χορέτες αλο κες τα δίναμια να υποφερ ατο τιν καταπίεσιν
κε εκύτε σον αγόναν ενάντια ει εκμεταλφευτάδασατ τι καπιταλίστας
τΑνκλίας κε τι παμέσσικος.

ΠΟΣ ΚΑΙΑΠΙΕΖΝΕ ΤΕΡΓΑΤΣ

Ι κατάσταςι τεργατίον σιν Ινδίαν εν πολα βαριν. Ι καπιτα-
λιστ τΑνκλίας εντάμαν με το ινδικον τιν μπουρζζουαζίαν αετς εκλά-
βοσαι τεργάτας πο επίκαν τιν ζοίνατον πολα ολίγον να διαφρ-
ασιν ζοιν τι σκλαβίον.

Τα μεροκάματα τεργατίον τι Ινδίας ιν πολα μικρα. Ανάλο-
γα καλίτερα ασαλτ: κερδίζνε ι εργατ τι ιφαντυργίας αλα κε τιτι-
νέτερον το μεροκάματον εν μικρον. Ι περισι ασι ιφαντυργυς πέρνε
κιάλο ολίγον ασα 17 ρύθλια τον μίναν. Ι γινεκ πο εφτάγνε το
διον τιν δηλίαν πέρνε εναμπες-διο φορας ολιγότερον κε το μίναν
εβγάλνε 7-8 ρ. Σα άλα το κλάδους τι βιομιχανίας ι πλερομι εν
κιάλο κατιθαζμένον. Με αγίκον μιζερικον μεροκάματον κε τιν ακρι-
βίαν, το περισον ο πλιθιζμον τεργατίον υποφερ ασιν πίναν. Τα τι-
μάντα: σα φαιστικα ατόρα ιστερνα πολα ετράνιναν κε τα μεροκά-
ματα κετράνιναν. Ο ινδον ο εργάτες πα κεπορι να τρώι χορτα-
στικα έναν ιμέραν.

Για να χορταζ καλα ο εργάτες πρεπ κάθαν ιμέραν να εκσο-
δεβ έναν μανατ για κάθε άνθροπον.

Ι περισι ι εργατ έχνε τρανα ικογένιας. Ι γονέι κέχνε το
μινκιν να πεσλιαέβνε τα πεδιάτων κε ανακάσκονταν να στίλνατα
σιν κάμασιν απο 7-8 χρονον. Κε τα πεδιά πέρνε μόνον διομς
μανάτια το μίναν. Ι σααπίδες τι ζαβοτίον κε τι φαπρικαδίον εβρί-
κνε τερτίπια κε να κατιβάζνε ατα μινέα τι πίνας με τα εστράφι.
Πολα φορας ι εργατ σο τέλος τι μίνα απομένε χορις καπικ κε για
να μι αποθάνε ασιν πίναν αναγκάσκονταν να πάγνε να δάνίσκω-

ιταν ασον τοκογλίφτεν. Ατος εγδερ κε περ ασον εργάτεν τρανα πρατσέντια. Κιαίκος τοκογλίφτες εν ο μάστορας.

Τα μινέα τάνκλον εργατίον πυ δουλέβνε κιατιν σα ίδια παραγογας εν κάμποσα φoρας παραπαν ασα μινέα τεργατίον. Σιν Ινδίαν οπος κε σάλα κολόνιας τΑνκλίας ι καπιταλιστ κοπιιάζνε με όλα τα μινκίνια να ερεθίζνε κε τρανίνε το εθνικον κε θρισκεφτικον τιν εχθραν ανάμεσα σεργατς.

Το ανκλικον ι κιθέρνισι πλερον τεβροπέυς τέργατς περισότερον, για να εκσαγοράζιατς κε να χορίζιατς ασαλτς τι εντόπιυς εργατς. Ολτς τεβροπέυς τεργατς ι καπιταλιστ εφτάνατς να καταφρονυν τι ινδους τεργάτας.

Σα μεγάλα τα επιχίρεια (πρετπριάτιας) το εργατικον ι ιμέρα κρατι 10-12 όρας κε σα μικρα 14-16. Σστραχκάσας κε δορεαν γιαρικον βοίθιαν κίνε. Καθαέναν ιμέραν, αν ο εργάτες κέρθεν σιν δουλίαν εκσετίας τι αρόστιας λογαριάσσκετε προγυλ. Ασο μινέονατ κρατύνε για τα ιμέρα; ντο έτον άροστος κι άνάθα ατο πέρνε κε εστραφ για το προγυλ.

Ακόμαν ι γινεκ ονταν θα κίνταν κι πέρνε ύτε εναν ιμέραν οτπυσκ

Ι εργάτριες πολα φoρας σο μέρος πυ δουλέβνε ατοκα πυ γε-νύνε. Ενας επιστίμονας εκσέτασεν τα υσλόθιας τι δουλίασατυν.

Ασατο τιν επιθεόρισιν εφάνθηεν, πως ασα 338 πεδία πα εγενέθαν ασι εργάτριες 139 πεδία εγενέθαν σο τεζιαχ κεκα πυ οστα τελεφετέα λεπτα εδύλεθαν ι μανάδεσατυν.

Ταπόθεμαν ανάμεσα σα πεδία τεργατίον εν πολα τρανον.

Σα ζαθότια κε σα φάπρικας τι Ινδίας καθόλυ κίνε νια περίθαλψι (οσχράνα) τι δουλίας κε νια εργοστασιακα κομιτέτα. Τα υσλόθιας για τοσπίτια πυ κάθουνταν έν πολα θαρέα.

Σιν πολιτίαν Βομβάι όπου ίνε πολα φάπρικας, ι εργατ ζύνε απες σε απέραντα εργατικα καζάρμας.

Ατα τοσπίτια ίνε χοριζμένα σε κάμαρια αλα το νίκινατυν εν πολα ακρίθυ. Εργάτες κεπορι να νικιαζ ο αν μόνον γιατατυν.



Το βαρὺν ἡ δουλία τι γινεχθῆναι εἰς τὴν Ἰνδίαν

τιν ικογένιαν. Τιν οταν νικιάζνατο 2 ικογένιας για αν εργάτες εςς τι κεντιάτ, δι σο νίκιν έναν κεσσαν.

Απες σα κάμαριατυν κίνε καθόλυ μόπιλα. Τα κάμαρια κιν τεσσαλιαεμένα κε κιμώνταν απαν σο χόμαν. Το κρεβάτνατυν εν στάσσια κε έναν γεργαν πυ σκεπαγυνταν 4-7 ανθρωπ.

Πολι εργατ κεσσιν πιλια κέχνε κε μένε απανκες σα δρόμια κε τα πλατίας γιάχοτ σον τάπονατυν κεκα απες σιν φάπρικαν.

Σο Ντζαμςσεντπκρε σι τενεκεδι το ζαβούτ εθρίετε έναν εργα-
τικον χορόπον απο 330 μικρα οσπίτια. Σατα τοσπίτια απες ζύνε
εος 3 χιλιάδες κε παραπαν ανθρωπ πολα πικνα κε στενάχορα. Ι
εργατ σατα τα καλιδόπα πλερόνε μεγάλον κιριν. Σον κερν τι απερ-
γίας σα 1929 τι χρονίας ι εργατ εσένκαν χοριστα απέτισιν να
κατιβάζνε τα νίκια σα κάμαρια γιατι σο νίκιν πάγνε τα περισα τα
μισθάτυν.


Το ραγιον τι Καλχύτας (τρανον βιομηχανικον πολιτία τι
Ινδίας) ι κατάσταςι σοςπίτια εν κιάλο σσιρ. Ι εργατ ζυν τσυμοριαζ-
μένα σα μικρα κε στενάχορα καλ θιά χτιζμένα ασα καλάμια κε
συθαεμένα με τσαλιμ, γιάχοτ τζατίρια καπλαεμένα κε φιλα πάλμας.

Αγίκα οσπίτια κσάι κι κρατυν. Πολα φoρας κυθαλύνατα κε
κρεμίζνατα ταέρας κε τα θρεσσία πυ σιν Ινδιάν ίνε πολα δινατα κε
κρατόνε πολα. Ιστερα ασατα τα τρανά τα θρεσσία σσιλιάδες εργατ
απομένε σα στράτας απανκες.

Οταν χρέσκυνταν τον φαπρικάντον νεί εργατ, στιλ σα χορία
τι θερπόθσσικυσατ. Ατιν πάνε σα ραγιόνια πυ ζυν πολα σκοτινι, γιάχοτ
σαγίκα μίρια όπου εν πίνα, για αρύστιας. Κι αγίκα ταπια κε ραγιόνιο
σιν Ινδιάν ίνε πολα.

Ι πιναζμεν κε τζιρτζιπλαχ ι χορετ εφχαριστεμεν ιν να φέβνε
ασο χορίον, κε ι θερπόθσσικι εφτάγνε με τατυνυς σιμφονιτικα. Ι περισι
ι χορετ ίνε αγράματι κε να δεβάζνε σιμφονιτικον κεπορόνε. Κε ια
σινφονιτικα ιν αγίκα πυ ο εργάτες πυ ιπογράφιατα σκλαβύτε ασο
φαπρικάντον.

Ἰὼν ἐργατὶ γαστέροντων καὶ ἀπαπλόες πρὸς τινὲς φορτομένα καὶ βαρεῖα



Το συμφωνιτικόν επικίρύτε με το αποτίπομαν (τάμυαν) τι δαχτιλι τεργάτε.

Αν ο εργάτες θελ να φεβ ασατο το κάτεργον τι φάπρικαν στότες ι πολίτσια εβρίκιατον κε φέριατον με το ζορ οπισ σο νικοκίρ-
ατ κε σι φάπρικαν κε προφασίςσκετε πος ιπόγραπσεν ο εργάτες
συμφωνιτιπον κε κεπορι να μι εφτάγιατο.

Αρ αετς, πα ο εργάτες γίνετε σοςτος σκλάβος. Οντες πλερόνε
τα μισθους ι φαπρικαντ κομπόνε τεργάτις. Πος εκσοφλίζνε τον εργάτεν
πυθεν κι γράφνατο. Ο φαπρικάντον ντο θελ τιν όραν επορι να
εφτάι σστραφ κε να διεσς τον εργάτιν.

Αν εργάτες δι τι δυλίαν σο συτ πάντα θαπομεν καπαγιατλις.

Τα δικαστίρια κε ι πολίτσια εβρίγυνταν σα σσέρια τι καπιτα-
λιστίον τΑνκλίας κε τΙνδίας.

Ατόρα σεπεπι τι κρίσις ι κατάστασι τεργατίον σιν Ινδίαν
εγέντον κιάλο σσιρ. Πολα ζαβότια κε φάπρικας κλιδούντανε γιάχοτ
δυλέθνε τιν εβδομάδαν κάμποσα φορας.

Για το στάσιμον τεργατίον αφερόνε ασα μισθάτυν. Ι αεργία
όσον το παι κε περισεβ κε με τατο περισεβ κε ι πίνα κε ι γιρε-
θοςίγια τεργατικυ τι μάζας.

Σιν Ινδίαν ίνε κε προφσογιύζια άμαν ατα κιποστιρίζνε τα
σιφέροντα τεργατίον.

Ατο γίνετε επιδι το παραπαν καθοδιγυν τα προφσογιύζια
φιτνιαδες τι πυρτζυαζίας.

Ατα τα προφσογιύζια καθοδιγύνατα γιοκ ι εργάτ αλα ανθρωπ
πεκσέβαν ασεκιντς τι ιπάλιλυσ κε διανοόμενυς (ιντελεγέντας), τα
σιφέροντα τινον ίνε σπιχτα δεμένα με τα σιφέροντα τι πυρτζυαζίας.
Ατα τα προφσογιύζια καθόλυ κέχνε σχέςια με τα εργαζόμενας μάζας
Ι περισι ασι καθοδιγιτας τι προφσογιυζιον εμπένε σα διάφορα επιτρο-
πας πυ πλανι, πυρτζυαζία. Για τι δυλίανατον σατα τα επιτροπας ι
καπιταλιστ πλερόνατς κιαετς πα αγοράζνατς κε εφτάγνατς τεκινέ-
τερον πιστος δουλτς. Αγικ καθοδιγιτε αντι να οργανόνε τα εργητικα
μάζας να πολεμόνε για τα τακσικα τα σιφέροντατυν τεναντίον
προσπαθόνε αγίκα τιθεν να μι γίνταν.

Ολια τα ταβάντας ανάμεσα σεργατς κε τι ικοκίρτς, λένε ατιν πρεπ να λύνταν με ιρινικον τρόπον με σινενόσια, γιати τα σιφέροντα τεργατίον κε τι ικοκίρίον ίνε έναν.

Αραετς ι λακεί τι πυρζζυαζίας κομπόνε τεργάτας κε ναρχόνε το 'τακσικον τι σινίδισινατυν. Οντες ι δουλία παι ει ζαπαστόβίικαν κεκα, ι καθοδιγιτε τι προφσογιωζίον προδίνε τα σιφέροντα τεργατίον. Οντες ι εργατ απες σαπεργτας εγρίκσαν προς τα προφσογιώζια υποστιρίζνε τι ικοκίρτσατυν τι καπιταλίστς εργίνεσαν να οργανόνε τατινέτερα επαναστατικα προφσογιώζια. Το πρότον το επαναστατικον το προφσογιωζ εδιοργάνοσαν ι ιφαντυργι. Ατο λέγνατο „Γιρνι-Καμγαρ,, (Κόκινον φάκελον) Ατο το προφσογιωζ καθοδιγύνατο ι επανασταστ εργατ κε ι κομουνιστ.

Το „Γιρνι-Καμγαρ“ εδιοργάνοσεν πολα απεργίας κε εκατόρθοσεν έναν κσάι να περισεβ τα μινέα κε να μικρεν το εργατικον τιν ιμέραν τεργατίον.

Το „Γιρνι-Καμγαρ“ διοργανον τεργάτας να πολεμυν για τινι ελεφθερίανατυν ασο διπλον το ζιγον τι καπιταλιστίον τι Ινδίας κε τ' Ανκλίας.

Σατο τον αγόναν ι εργατ κέχνε τιδεν να χάνε άναβα τα ζεντζίρια τι σκλαβίας, τι βίας κε το χαίνκον τιν εκμετάλεψιν.

ΤΟ ΕΠΑΝΑΣΤΑΤΙΚΟΝ Ο ΑΓΟΝΑΣ ΤΕΡΓΑΤΙΟΝ ΟΣΟΝ ΤΟΠΑΙ ΔΙΝΑΜΟΝ

Ιστερα ασο τελίομαν τι ιμπεριαλιστικυ τι πολεμ κε προπάντον ίστερα ασο Οχτοβριανον τιν επανάστασιν, εκχόθεν ιπσιλα κε ι ταλγα τεπαναστατικυ κινιματι σόλια τα μεμλεκέτια.

„Το ιμπεριαλιστικον ο πόλεμον“ εγνέφσεν τιν Ανατόλιν κε εσένκεν τα έθνιατς σο διεθνικον τιν πολιτικιν“ έλεγεν ο Δένιν. Ι καπιταλιστ τι Ινδίας εβοίδθαναν τιν Ανκλίαν σον κερων τι ιμπεριαλιστικυ πολεμ κε ασυ ετελίοσεν ο πόλεμον επσαλάφεσεν παχσους γιατατο τιν βοίθιαν. Ι πυρζζυαζίαν τι Ινδίας επίζμονεν να

δίγατεν ι Ανκλία περισσότερα δικεόματα σο κιβέρνεμαν τι μεμλε-
κει.

Τζιπ πολα πράματα εμάτσειν τεργατς κε τι χορέτας τι Ινδίας
ο ιμπεριαλιστικον ο πόλεμον. Ι Ανκλία ετιαπιαλιάεβεν τάγματα-τάγ-
ματα ασιν Ινδιάν να πολεμυν τιν Γερμανίαν. Ι ανκλ επίναν ασι
ινδους υτάρνικα τάγματα κε εστίλνατα ασόλεν τα φοβερα τα μερό-
δες τι φροντι.

Πολι Ινδι εκκοτόθαν κε πολι πα εγέντάν άπορι (ινδαλιτ).
Τα μαθέματα ντεδέκεν τεργαζομεντς τι Ινδίας το ιμπεριαλιστικον
ο πολεμον κεχάθαν νιαφιλιαν.

Σα εκατομίρια τεργατς κε τι χορετς τι Ινδίας πυ εκατοντάδες
χρόνια έσαν αφκα ασιν σκλαβίαν τι καπιταλιστίον τι Ανκλίας.

Ο πόλεμον έδικσειν προς ι κιριαρχία τι καπιταλιστίον κεν
εόνιον. Ι σαγλαμ ι στρατιότε πεγίρτσαν ασιν εβρόπιν σα Ινδίας
ιστόριζαν τι ζοιν κε τον αγόναν τεργατίον σιν Εβρόπιν.


Πολα δινατα εσινέβαλεν τα εργατικα κε τα χορέτκα τα
μάζας το Οχτοβριανον ι επανάστασι σι Ρουσίαν. Σα εκατομίρια
τεργατίον τι Ινδίας εγνέφσειν κε κάθαν ιμέραν τρανιν το επανα-
στατικον ι σινέςθισι. Το Οχτοβριανον ι επανάστασι έδικσειν σι εργα-
ζομεντς τι Ινδίας προς πρεπ να αγωνίσκυνταν με τι καπιταλίστας.
Το τέλος τι πολεμ εδέκεν ελεφθερίαν σα κιμιζμένα επαναστατικα
δύναμια τι μεμλεκετι.

Σον κερων τι πολεμ ι Ανκλία έρθεν σο ζορ να αφιν κε
προσδεβ κε ζοιρεβ κάμποσον το Ινδικον ι δισημιχανία.

Εκατοντάδες σσιλιάδες ανθρωπ επάρθαν σι δουλίαν σα φάπρικας
κε σα ζαδότηια για να προετιμάζνε πολεμοφόδια για τιν Ανκλίαν.

Απες σον πανκόζμιον τον πόλεμον τανκλικον ι κιβέρνισι επί-
κεν τιποτένια παραχόρισια (υστύπκας) σο ινδικον τιν πυρτζυαζιάν.
Αμαν ίστερα ασον πόλεμον ι Ανκλία εμεγάλοσειν τιν εκμετάλεψιν
κε υποδύλοσειν τιν Ινδιάν.

Για να εκσασφαλιζ τα πολεμικα τα χρέατα ι Ανκλία εμεγά-
λοσειν τα ναλόγια πυ περ ασι εργαζομεντς. Σα 1918-1921 τι



Το ανχλικον ι αστινομία, (πολίτεια) διαλίζ τιν διαδίλοσιν τι ινδον.

χρ. σόλεν τιν Ινδϊαν μεγαλιν το επαναστατικον το κίνιμαν. Ι εργατ οργανόνε απεργίας, διαδίλοσια (τεμονστράτσιας).

Ι χορετ μαζικα σκύνταν σο ποδαρ ενάντια σα τρανα τα ναλόγια ενάντια σα βαρέα τα πληροφορ: σι πομέςικους.

Ι χορετ εφτάγ νε τανκς μανκς τα τμήματα τι πολιτίας, σκατόνε ταν ιπροσοπε τι πολιτίας αρνίουνταν να πλερόνε τα ναλόγια.

Το ινδικον ι πυρτζυαζία, ι ιπάλιλι, αλισσβεριτζίδες κε ι τεχνιτ, ατιν πα εβγένε εναντίο ι σο Ανκλικον τιν κιθέρνισιν.

Ατιν διοργανόνε μίτινκια σινεδρίασια, σα οπία πσαλαφόνε ασο Ανκλικον τιν κιθέρνισιν να τρανιν τα δικεόματάτυν.

Ι πυρτζυαζία τι Ινδίας προτιν σόλεν τον πλιθιζμον να μι αγοράζνε ανκλικα πράματα κε να μι δέχκυνταν τα ανκλικα τα νομς.

Το εργατικον ι τάκσι εμπροστα κίσσεν τατινεθι κομυνιστικον κόμαν.

Τα πολιεκατομίρια μάζαν τι χορετίον τα οπία εκμεταλέφκυντον το ανκλικον ι κιθέρνισι κε ι ινδι ιπαμέσσιχι έσαν κοματυριαζμένα, αναδιοργάνοτα κε κίχαν σχέσια με το εργατικον τιν τάκσιν.

Το ινδικον ι πυρτζυαζία εκυλάνεθεν το επανιστατικον το κίνιμαν τι μάζας, για να πλατιν κετι τατινεθι τα δικεόματα σε θάρος τι κιριαρχίας τΑνκλίας, για να δυναμον τιν εκμετάλεψιν τι εργατίον κε τι χορετίον.

Ι πυρτζυαζία ατότε: ίσσεν υζζε δυνατον κομαν το οπίον λέγνατο „εθνικον κονγρες.“ Επικεφαλις τατινεθι τι κόματος στεχ ο Γάντι.

Ι εργαζομεν τι Ινδίας κίχαν ακόμαν σταθερον δυνατα ενυμένον Κομυνιστικον κόμαν κε επίναν λάθος ντο ελογαρίαζαν τον Γάντιν αρχιγον τι απελερθερωτικυ αγόνα ενάντια σι ανκλικυς καπιταλίστας.

Σα αρχας τι 1930 τι χρονίας όνταν ο Γάντι ίδεν προς το επαναστατικον κίνιμαν μεγαλιν, εδίλοσε: προς ατος κε το „εθνικον κονγρες“ θα αγωνίσκυνταν ενάντια σο ανκλικον τιν κιριαρχίαν.

Με πια τρόπος ατιν επολέμαναν;

Ο Γάντι εδιάσσεκεβεννα μι ιποτάγουνταν σα κάπια νομς πέβαλέν το Ανκλικον ι κιβέρνισι.

Ο Γάντι κε το „εθνικον το κονγρες“ επρότιναν να μι εχτελύνε τα νομς για τάλας κε να εμποδίζνε τιν παραγογιν κε το πύλεμαν τι ραχι κε τα άλα αλκοολικα πιοτα.

Κε το άλας κε το ρακιν εδιαχιρίσκουσανατα μόνον ι πυρτζι τι Ανκλίας.

Ατα τα προσκαλέματά (πριζίβια) τι Γάντι κε τι „εθνικον κονγρεςι“ να μι ιποτάγουνταν σα ανκλικα τα νομς, κεσαν τιδεν αλο παρα να κλόθνε οπισ ασο σοστον το δρόμον το επαναστατικον το κίνιμαν κε τον αγόναν για το απελεφθέρομαν ασο ζιγον τι ανκλικον ιμπεριαλιζμου.

Ο Γάντι κε το „εθνικον κονγρες“ εκατόρθοσαν να σίρνε αποπίσαιυν έπει μιλετ ακόμαν κιας εργαζομεντς.


Αλα όνταν ο αγόνας ερχίνεσεν πλατέα να απλύτε κε να περ επαναστατικον χραχτίραν, ατότεσ τζιπ φανερα ιεφάνθην ι διαφορα ανάμεσα σα απέτισια τι Γάντι κε τι κονγρεςι, ασα τακσικα τα απέτισια τεργατίον κε τι χορετίον.

Ο Γάντι κε ι πάρτιατ επροσκάλναν να γίνετε ποικοτ μόνον σα μερικα ανκλικα εμπορέδματα αλα με τατο εντάμαν επρότιναν κε εγαντύρεθαν τα εργαζόμενα μάζας να ζύνε ιρινικα με τον πομέστζικον, να σαέβνε τιν ιδ:οχτισιάν τι πασσ-κλεφταντίον—τι τοκογλιφτίον κε τι καπιταλιστίον. Ι εργατ κε ι χορετ αφυ ερχίνεσαν τον αγόνανατυν κεπόρνανε να εφίνανατο απες σι μέσεν.

Ι χορετ τι ραγιονι Τζαυρι-Τζαυρα ερνέθαν να πλερόνε ναλόγια σο ανκλικον τιν κιβέρνισιν. Ο Γάντι σατο εσινφόνισεν. Αμαν όντας ατιν ερνέθαν να πλερόνε ναλόγια κε χιλιάδες άλα φορολογίας σι ινδους τι παμέσσικους ατότεσ ο Γάντι εδιαμαρτιρέθεν (επίκεν προτέστον).

Ο Γάντς εζίτισεν ριτα ι χορετ να πλερόνε τα ναλόγια, κε τον αρέντον σι πομέσσικους.

Ας ατο το παράδειγμαν ολοκάθαρα φένετε προς το ινδικον ι πυρ-
ζζουαζία εποφελίετε το επαναστατικον το κίνημαν τεργαζομένε
πλιθίζμυ μόνον κε μόνον για τατινες τα σινφέροντα τεργατίον κυ



Πε πρόδοκαν τα ιντερέσια τεργαζομενίον—ο Γάντι (εμπροστα σιν
μέσεν) κε ιπλισιέςνερι οπαδι.
τι χορετίον. Ο αγόνας τι καπιταλιστίον τι Ινδίας ενάντια σιν κριαρ-
χίαν τι Ανκλικυ πυρζζουαζίας, ες έναν σκοπον—να πέρνε σα
σσερίατων τιν εκσυσίαν, να επορυν ι ιδίατων να εκμεταλέβνε τι
χορέτας κε τεργάτας.

Ιπυρζζουαζία τι Ινδίας κι θελ να μιραζ αγίκα τρανα κέρδι, ασο εκμετάλεμαν τεργατίον κε τι χορετίον, με τάνκλως καπιταλιστας.

Το ανκλικον ι κιβέρνισι αφκα αιν πίεσιν τι επαναστατικο κίνηματος εδέκεν το ινδικον τιν πυρζζουαζιάν κατ παραμικρα δικεδμχτα σιν κιβέρνισιν τι Ινδίας. Αφυ εκσαγόρασαν με τατο το ινδικον τιν πυρζζουαζιάν το ανκλικον ι κιβέρνισι προσπαθι με εματοκςσιςίας νεφτάνε αφαν-τυφαν τεπαναστατικον το κίνημαν τεργατίον κε τι χορετίον.

Ι διέτερον χαινλουκ έδικσεν ας άνκλως τι κιβερνίτας ο γενεράλον Ντάιερ σιν πολιτίαν Αμριτσαρ. Ι εντόπι ι κάτικι εδιαμαρτιρέθαν (επίκαν προτέστον) ενάντια σο φιλάκομαν διο επαναστατίον κε επίκαν τρανον μίτινκ σο παρκ τι πολιτίας.

Ο γενεράλον Ντάιερ εσάρεπσεν όλεν το παρκ με τα στρατέματα κε εδιάτακσεν να είνε απαν σο λαον.

Εσκοτόθαν ίσαμε 1200 νοματ κε εκαν 3,600 εγεραλαέφταν. Εκαταδικάγαν σο θάνατον για σε εόνια κάτεργα 581 ανθρωπ. Ο στρατιγον Ντάινερ επαρασιμοφορέθεν ασο ανκλικον τιν κιβέρνισιν για τατο τιν εματοκςσιςιάν. Αχα πως ι ανκλ ι καπιταλιστ κιβερνόνε τα απικίασατον '(καλόνιας).

Το ανκλικον ι κιβέρνισι χαίνκα τιμορι τι επαναστατικοπιμμεντς τι εργατς κε τι χορετς. Αλα για να τζιγναέβνε για πολα κεστον το επαναστατικον το κίνημαν τεργατίον κε τι χορετίον κεν δυνατον.

Σο μεγάλομαν τι εκμετάλεπσις ασι καπιταλίσ-ας ι εργατ απαντύνε με στατζκας κε απεργίας. Σον κερων τι απεργίας κε στατζκας ι εργατ εβγάλνε σον παρον ικονομικα κε πολιτικα απέτισια.

Ι ιφαντυργι τι πολιτίας Σκολαπούρα εκήρικσαν απεργίαν για να δίννε ότι εφτάνε προτεστ ενάντια σο φιλάκομαν τεπανασιατικοπιμμένον τεργατίον.

Ι ιφαντυργι εδιοργάνοσαν διαδίλοσιν, εκσέθαν σα δρόμια κε εξίταναν να ελεφθερόνε τι σιντρόφσατον.

Καρςσι σεργότας ι κιβέρνισι έστειλεν' πολίτσιαν κε στρατον με διαταγιν να ταυτεθ τι διαδίλοσιν.

Ανάμεσα εργάτας κε σιν πολίτσιαν εγέντον σίνκρυσιν. Ι εργατ επέραν τα όπλα τι πολίτσιας, έκαψαν τα υτζάστκας τι πολίτσιας κε τα κυβερνιτικα τα όργανα τι πολίτσιας κεφέκαν κέφιγαν.

Για να φυχκίζνε ατο τι βοστάνιαν, επροσκαλέθαν στρατέματα ασόλια τα πολιτίας. Τι βοστάνιαν εφύρκσαν.

Πολι ε,κοτόθαν κε εγεραλαέφταν.

Κιάλο δυνατον αντίστασιν εδέκαν ι εργατ τι άνκλυσ καπιταλίστας σιν πολιτίαν Πεσσαβερ. Εκι ι διαδύλοςι εμετακλόστεν σον αγόναν με τα όπλα εναντίον σιν εκσυζίαν.

Κάπια στρατέματα νιο επροκαλέθαν να δίνε τιαρπιαν, εργάτας, ερνέθαν να σίρνε απάνατυν.

Με τεργάτς πεσκόθαν σο ποδαρ ενόθαν κε ι χορετ ασα γιτονικα τα χορία πυ άλο κεπόρναν να υποφέρνε τα τρανα τα ναλόγια κε τάλα τα τιριανίας ασι πομέστζικυς κε τι τζινόβνικυς.

Κάμποσα ιμέρας το Πεσσαβαρ εβρίυτον σα εσέρια τεργατίο κε τι χορετίον πυ εσκέθαν σο ποδαρ.

Αλα χιατο τιν εκσέγερσιν επατύρεψανατο σο εμ.ν. Αμαν με τατα, αν κε ι τιμορία έτον άγρεν, ι εργατ κε ι χορετ δίκνε εκσερετικον αγυρότεν κε επαναστατκον σταθεροσίνιαν.

Ο σίντροφος Στάλιν έλεγεν πως:

„Ι χίρι ι πυρτζύι λογαριάζνε να πατυρέδνε ατα τα μεμ,εκέτια σο έμαν κε να σιρίγουνταν σι πολίτσιας τα σινκία ασυ προσκαλυν σιν βυίθιανατυν αγικς ανηροπς όπος τον Γάντι. Κεπορι να εν εσυφεν προς ι πολίτσια τα σινκία ιν άσσκεμον στίριγμαν

Ο τσαριζμον πα εκοπίαζεν σον κερόνατ να σιρίσσκετε σι πολίτσιας τα σινκία, άμαν ντο στίριγμαν εκσέβεν απατο — ολ εκσέρνατο.“

Ασα πολιάριθμα ταπεργίας χοριστον σιμασίαν εςς ι απερ γία τι ιφαντυργίον σι Βονθάιν.

Απες σον απριλ σα 1928 τι χρ. σι Βονθάιν εγέντον απεργία σα 84 φάπρ.κας. Πιρλιαμπιρ εστάθεν ι δουλία.

Ατο ι απεργία εκράτεσεν 6 μίνας αν κε επρόδοσανατο τα σινβιδαστικα τα προφσογιύζια.

Ι εργατ άμα κεγρίκσαν τιν προδοσίαν τι αρχιγύατον πυ έσαν σα προφσογιύζια εδιοργάνοσαν τατινέτερον επαναστατικον προφσογιυζ „Γιρνι Καμγαρ“.

Ι εργατ επρότιναν να καθοδιγυν τιν στάτζκαν ι κομουνιστ κε ι επαναστατ εργατ.

Κιάλο τρανον απεργία εγέντον σιν Καλκύταν σα φάπρικας, όπου επεξεργάσκυνταν το τζζυτ (έναν ίδος καναβ) σα 1929. Σα-το τιν απεργίαν επέρναν μέρος 126 χιλ. εργατ κιασυ ι πολίτκα επάτεσεν σα κυρσσίμια τιν διαδίλοσιν ο αριθμος ατο επλέθινεν κε εκσέθεν ίσαμε 200χιλ.

Ο σίντροφον Μόλοτοβ έδικνεν, πως;

„Το επαναστατοικον το ανίπσομαν σα Ινδίας μετακλό-σσκετε πολα φορας σε τρανα επαναστατικα κινίματα πολιεκατομιριυ μάζας.“

Το αγροτικον το κίνιμαν πα σα τελεφτέα τα χρόνια κάμπο-σον εμεγάλινεν.

Ιδιέερα φανερον παράδιγμαν ιμπορι να εν το χορέτκον το κίνιμαν σο Οπλαστ Παρτολι. Εκι ι χορετ εδοκίμασαν να σχηματίζνε τεκινέτερον κιβέρνισι. Χορις τιν άδιαν τι χορέτκον κομιτατον ι κι-θερνιτικι τςσινόβνικι κεπόρναν να επέρναν νια πσομιν, νια νερον κε νια άλα πράματα πρότυ ανάνκισ. Εναντία σι χορετς πυ επα-ναστάτισαν το ανκλικον ι κιβέρνισι έστιλεν καράτελνι στρατέματα.

Ατο το καράτελνι ο στρατον εσχιματίεν ασα δύο πεζικα πόλ-κια, ασι πυλιμετι τι ρόταν, 2 εσκατρόνια καθαλέριας αεροπορικον στόλον, κε 12 προνεβίκια (θορακομενα τρένα).

Ατο το καράτελνι το στρατέμαν άγρια ετιμόρεσεν τι χορέτας πυ επαναστάτισαν.

Το εργατικον κε το αγροτικον το κίνιμαν σιν Ινδίαν εν ακό-μαν νέικον κε άσσκεμα διοργανομένον, αλόμος ι εργατ κε ι χορετ σιν πραχτικιν τι αγόνατον ενάντια σιν μπουρζζυαζίαν εγρίκσαν τα

προδοτικά τα ρόλους τι αρχιγίον τι προφρογιωζίον κε τι εθνικον κον-
χρεσι επι κεφαλis τον Γάντι.

Σιν Ανκλίαν, πυ αετς χαίνκα εκμεταλέφκετε τι εργαζομεντς, τι
Ινδίας ατόρα εν κιβέρνισι το οπίον ονομαζ τον εαφτόναθε εργατικον.

Σι σοστίαν άμαν ατο ι κιβέρνισι εν καθεαφτω πυρζζυαζικον. Επι
κεφαλis τατινεθι τι κιβέρνισις στεκ ο Μακτοναλτ, ο οπίος λει τον
εαφτόνατ σοσιαλίστον.

Ατο ι κιβέρνισι τι Μακτοναλτ όπος κε όλια τα άλα καπι-
ταλιστικα κιβέρνισια σα καλόνιασατον, χαινκα σκληρα φυρκίζνε όλια
τα προσπάθιας τι ινδιον εργατίον κε χορετίον για να καλιτερέδνε
τιν κατάστιασινατον.

Ατόρα ιστερνα, ο Γάντι κε ο Μάκτοναλτ ατιν ι δι προδό-
τε τι εργατικυ τάκσις, ίγεψαν αναμεσάτον. Σόλια κεκα ατιν με όλια
τα τροπς με όλια τα διναμισατον αγωνίσκυνταν ενάντια σι εργαζο-
μεντς τι Ινδίας.

Ατα τα προδοσίας κιάλο πολα ανίγνε τοματια σα πλατέα τα
εργαζομενα μάζας.

Ατόρα ιστερνα ι εργατ κε ι χορέτ επόρεσαν κε ίδαν σιν
ζοιν, εγρίκσαν τα προδοσίας τι Γαντι κε όλεν τι κόματοσατ. Ο Γαντι
αμα κε ίδεν ποσ ο αγόνας τεργατίον κε χορετίον θαλ σον κινδινον
τα ιντερεσια τι πομεσσικιον κε καπιταλιστιον εγλιγορεσεν να ιγεβ
με τιν μπυρζζυαζιαν τΑνκλίας.

Εκσενκαν ασα φιλακας εκιντς πιος εσίρναν σον Γάντι μερέαν
αμαν κιαλο βαρέα τιμορίας κε καταδικαζμαια ιδαν κεδεβασαν ι αλι-
θινι ι επαναστατε, πυ ιποστηριζαν τα συμφεροντα τεργατιον κε
χορετίον.

Απαν σι συμφονίαν τι Γάντι με τιν κιβέρνισιν τΑνκλίας ι
πυρζζυαζια τ'Ινδίας επέρεν κατ παραπαν δικευοματα σιν κιβέρνισιν
τι μεμλεκετι, άμαν το αφστιρον το κοντρολ τι ανκλον τσινοδνικιον
απομεν κσαν όπος έτον.

Ι ινδι ι εμπορ επέραν λγότας σιν ατμοπλίαν, σο εμποριον κε
σιν διομιχανίαν ι μπυρζζυαζια με τον Γάντι επι κεφαλis εχπασεν

με πολλα παζαρέματα ασιν Ανκλίαν λγότας για τον εαφτό-
νατς κε επρόδοσεν τα συμφέροντα τεργατίον κε χορετίον.

Ιστερα ασι συμφονίαν τι Γάντι με τι ανκλως ιμπεριαλίστας,
σιν Καλχύταν εθανατόθαν ι σιν. Πχαζατ Σινχ κε δι νοματι αλ,
σταθερι κε αφαπαρνιζμεν αγωνιστε σο έργον τι εργατικο τάκσις.
Ατιν εθανατόθαν αν κε τα εργαζόμενα μάζας τι Ινδίας κε όλεν
τι κεζμι εξιταναν τιν ελεφθεριανατυν.

Τα εργαζόμενα τα μάζας τι Ινδίας, σιν προδοσίαν τι Γαντι
επέντεσαν με τρανον ερέθιζμαν. Ετράνινεν ταπεργιακον ο αγόνας.

Σιν Καλχύταν εκίρικσαν απεργίας ος 100 χιλ. εργατ. Σιν
πολιτίαν Κανπορ εγέντον εκσέγερσι (βουστάνιαν) τεργατίον κε τεφτο-
χολογίας τι πολιτίας. Εκαν 10 χιλιάδες καπιταλιστ εφέκαν κέφι-
γαν ασιν πολιτιαν.

Το ανκλικον ι κιθέρνισι έστιλαν αμαν στρατον κε πολίτσιαν.
Σο ντόσιμον τι στρατο με τι εργατς εσκοτοθαν ίσαμε σσιλ ανθρωπ
κε 4 χιλ. εγεραλαεφταν. Ατο το προστικον τι συμφονίαν τι Γάντι
με τανκλικον τιν κιθέρνισιν επέρην ένκρυσιν ασεκινους τι αρχιγυς τι
εθνικυ κονκρεσι ασυς οπίυς αιχ όπος ο Νερυ, κε ο Ποζ, ελογαρία-
ζαν τον εαφτονατυν επάναστατας, αγωνιστας, για τιν απελεφθέ-
ρυσιν τ' Ινδίας. Ατο ι προδοσία τι Νερυ, Ποζ κε ταλον.ον επίκεν τεργατς
να κανέβνε επικεν ποσ για το καλιτερον τον αγόν για τα συμφεροντα-
τυν πρεπ πρότα κιαρχις να διέχνε απαναμεσατύν
τι κιαδίαζάδες, κε τι κομποτζιόδας, (που ιν άγεντι τι πυρζζυαζιας).

Αμαν όλια τα προδοσίας κε τα ενομένα προσπάθιας τι μπουρ-
ζζυαζιας τ'Ανκλίας κε τι Ινδίας κεπόρεσαν να κρυν επις το επα-
ναστατικον κινιμαν σιν Ινδιαν που όλεν δυναμον κε τρανιν.

Αν κε χαίνκα κατατρέχνε κε άγρια τιμορυν τι επαναστατικους
εργατς κε χορετς κσαν σιν Ινδιαν τρανιν κε δυναμον το κομυνι-
στικον κομυν

Α.ο εν ακόμαν τσιπ νέικον

Σατο απαν ρύζνε ατελίστα χτιπέματα ασι άνκλως τιμπεριαλί-
στας κε τι πυρζζυαδες τ'Ινδίας που έχνε σα σσέριατυν τρανα στρα-
τιοτικα κε αστινόμικα δίναμια.

Αμάν το έργον τι Κομουνίζμυ το έργον τι Μαρκς κε Λένιν
χανέναν όπλον κεπορι να σκοτόνιατο.

ΤΟ ΚΟΜΥΝΙΣΤΙΚΟΝ ΤΟ ΚΟΜΛΗ ΕΝ Ο ΑΡΧΙΤΟΝ ΤΙ ΕΡΓΛΩΖΟΜΕΝΙΟΝ

Ι ινδι εργατ κε ι χορετ όσον ντο πάι εγρικυν προς το κομυνι-
στικον κόμαν εςς δίκεον. Πολα ενδιαφέρον εν να ιστορίζομε για έναν
κονφερέντσιαν τεργατίον κε χορετίον πεγέντον σιν προβίντσιαν
Πεντζζαπςκ. Σατο τιν κονφερέντσιαν ετοπλαέφταν ος 25 χιλ ανθρωπ
το παραπαν ασι χορέτας.

Σατο τιν κονφερέντσιαν ο χορέτες Σινκ ίπεν:

Το εθνικον κονκρες εβρίετε σα ςςέρια τι καπιταλι-
στίον, κίποστιοιζ τα ςιμφέροντα τεργατίον κε χορε-
τίον. Ατο βοιθα μόνον τι καπιταλίστας.

Το κονκρες απολεμα να αλαζ τιν κιβέρονισιν τι καπι-
ταλιστίον τ' Ανκλίας κε να βαλ σο μέροσαθε κιβέρονι-
σιν τιν καπιταλιστίον τ' Ινδίας. Το ινδικον ι κιβέρονι-
σι κατιγορι τι χορετς προς ιν μπολςςεβικι.

Αν ταπέτιςια ταμαμ ανεκςαοτιςίας ςιμένε μπολςςεβι-
ξιον, ατότες τογρία όλεμυν ίμες μπολςςεβικ“

Ι εργαζομεν εγρικυν προς εν ένας όρόμος για να γυρταρέφ-
κν-ταν ασιν ςκλαβίαν, το ιποδύλομν, τιν γιρεβοςίνιαν τιν πίναν.
Ατο τον όρόμον, έδίκσενατο ο Λένιν. Ατουο όρόμον οδιγα κε το
κομουνιστικον κόμαν τι εργαζομεντς τ'Ινδίας.

Ι εργατ κε ι χορετ εγάνεπςαν ασιν πίραν τι αγόνα-τυν, προς
ατο ο όρόμος εν τέναν κε μαναχον ντο θα φέριατς σο ταμαμ τιν
απελεφθέροσιν τεργαζομενίον.

Τα απέτιςια τι κομουνιστικον κόματος ίνε αίκα:

- 1 Ταμαμ κρατικον ανεκςαοτιςία τι Ινδίας οντες θα
κρεμίετε με το ξορ, ι κιοριαρχία τ'Ανκλίας. Να ακι-
ρύνταν όλια τα χρέατα.

Να εθνικοποιύνταν όλτα τα ανκλικά επιχίρεια (πρετποιάτια) τα πάνκας, ι ατμοπλία τι θάλασας κε τι ποταμι) κε τα πλαντάτσιας.

2 Αποκατάστασι τι ΣΟΒΕΤΙΚΥ ΕΚΣΥΣΙΑΣ, ποαγματοπιύνταν τα δικέδματα τι εθνικον μιονότιτον (νατςμεν-ςελνςτβο) σιν αωτοδίικισιν ίσαμε το δικέομαν ναποχο-ρίννταν. Να εκμιδενίςκυνταν τα κνιαζζεςτβας τι ιθαγρ-νίον (τυζέμτσι), να γιαοατέφκετε ινδικον ομοσπονδι-ακον εργατο-χορικον σοβετικον διμοκρατία.

3. Να γίνταν ΚΑΤΑΣΧΕΣΙΝ χορις εκσαγόραζμαν όλτα τα χόματα, τορμάνια κε τα εςσιάδες τι πομέσσικιον, τι εντόπιον κνιαζιδιον, τι εκλίσιον, τι ανκλικη κι-βέονιςις τι τζινόβνικιον κε τι τοκογλίφτιον ΚΕΝΑ ΔΟΧΚΥΝΤΑΝ ΣΙ ΕΡΑΖΓΟΜΕΝΥΣ ΧΟΡΕΤΑΣ να ακιούνταν τα ιποδυλοτικά κε όλα τα χρέατα τι χο-ρετίον σι τοκογλίφτις κε πάνκας.

4. Οχτάορον εργατικον ιμέρα κε ριζικον καλιτέ-ρεμαν ςα υςλόδιας τι δυλίας, μεγάλομαν τι ιμερκυ κε κρατικον ασφάλιαν ασιν ανεργίαν.

Ι εργατ κε ι χορετ, αγωνίςκυνταν για το Σοβετικον τι Ινδίαν ενάντια σιν καταπίεςιν τι ιμπεριαλιστίον κε τι πομέσσικον κε πυρ-ζυζάδον τι Ινδίας.

Ι νίκι τεργατίον κε χορετίον τι Ινδίας εςς μεγάλον σια-σίαν για τον αγόναν τι προλεταριατι όλεν τι κοζμι. Ι επανάστασι σιν Ινδίαν θαγλιγορεβ κε τα επανάστασια ςάλα τα κράτι.

Ι Ινδία στεκ απαν ςο κατοθιο τεπινάστιας, Εκατομία μάζας τεργατίον κε χορετίον αφκα ασιν καθοδίγισιν τι κομμουνιστικον κόμα-τος πυ όλεν δυναμον, θα κρεμίζνε το ζιγον, ντο καραγλιανέφκυν, τάνκλον Ιμπεριαλιστίον κε τι ινδον καπιταλιστίον κε πομέσσικιον.

1949

ТІМІ 10 КАП.

цена 10 кап.